

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса олөмө пöртысь власьт органьяслысь тэчассö бурмөдан öткымын юалөм йылысь

Коми Республикаса олөмө пöртысь власьт органьяслысь тэчассö бурмөдөм могысь, Коми Республикаса Оланподувлөн 84 статья, «Коми Республикаса олөмө пöртысь власьт органьяс йылысь да Коми Республикаса олөмө пöртысь власьт системаын Коми Республикаса канму чиньясын уджалысь йöз йылысь» Коми Республикаса Оланпаслөн 5 да 7 статьяяс подув вылын шуа:

1. 2025 вося тöвшöр тöлысь 1 лунсянь сетны Коми Республикаса цифра отсöгөн сöвмөдан, йитöд да юөр сетан министерстволы Коми Республикаса цифраөн сöвмөдан да йитöд министерство выль ним, Коми Республикаса Юралысьлөн Администрациялы печать да юөр сетан, телерадиовещание, йöзöдчан удж юкöнын могьяссö сетöмөн.

2. Пыртны «Коми Республикаса олөмө пöртысь власьт органьяслөн система да тэчас йылысь» Коми Республикаса Юралысьлөн 2022 во кöч тöлысь 23 лунся 111 №-а Индöдö татшöм вежсьöм:

Коми Республикаса олөмө пöртысь власьт органьяслөн тэчасын (Индöд дорö 2 №-а содтöд):

«Коми Республикаса Вескöдлан котырлөн кипод улын уджалысь Коми Республикаса олөмө пöртысь власьт органьяс» II юкöдын «Министерствояс» 1 юкöдувса 12 позициясö гижны тадзи:

«12) Коми Республикаса цифраөн сöвмөдан да йитöд министерство;».

3. Коми Республикаса Вескöдлан котырлы тайö Индöдса положениеяссö тöд вылö босьтöмөн:

1) 2024 вося йирым тöлысь 15 лунöдз вынсьöдны Коми Республикаса цифраөн сöвмөдан да йитöд министерство йылысь положениесö да урчитны сылысь штат лыдсö;

2) 2024 вося öшым тöлысь 1 лунöдз лöсьöдны Коми Республикаса инöда актьяссö тайö Индöд серти.

4. Коми Республикаса Юралысьлөн Администрацияөн Юрнуöдысьлы тайö Индöдлысь положениеяссö тöд вылö босьтöмөн сетны Коми Республикаса Юралысьлы вынсьöдöм вылö Коми Республикаса Юралысьлөн Администрация йылысь положениесö да сылысь медпозяна штат лыдсö.

5. Тайö Индöдыс вынсялö сийöс официальнöя йöзöдан лунсянь, тайö Индöдлөн 2 пункт кындзи.

Тайö Индöдлөн 2 пунктс вынсялö 2025 вося тöвшöр тöлысь 1 лунсянь.

Коми Республикаса Юралысь

В. Уйба

Сыктивкар

2024 вося йирым тӧлысь 1 лун

124 №